

Program Inovasi Sosial Peringkat Negeri Perlis 2011

Oleh: En. Hairi Osman

Kangar, 11 Dis : Pada 9 hingga 11 Disember 2011 sekali lagi satu sejarah telah diukir oleh Universiti Malaysia Perlis (UniMAP) dengan kejayaan melaksanakan Program Inovasi Sosial Peringkat Negeri Perlis 2011. Program Inovasi Sosial pada kali ini merupakan kesinambungan daripada program Baktisiswa Perdana yang telah di adakan sebelum ini dan dengan bertemakan 'UniMAP Pemacu Negeri Perlis Negeri Maju 2015' sebanyak 13 projek inovasi telah dijalankan di setiap kampung yang mengambil bahagian oleh 9 Pusat Pengajian UniMAP . Hampir 3,000 pelajar berhimpun di 50 kampung seluruh Perlis Jumaat sehingga Ahad lalu bagi menyertai Program Inovasi Sosial 2011

Turut hadir mencemar duli, Canselor UniMAP DYTM Tuanku Syed Faizuddin Putra Raja Muda Negeri Perlis telah merasmikan Program Inovasi Sosial itu di kampus tetap UniMAP di Pauh Putra dengan harapan peserta dapat

membantu memberi lonjakan paradigma kepada masyarakat untuk mengubah struktur ekonomi dan sosial mereka.

Ternyata melalui pelaksanaan Program Inovasi Sosial 2011 ini, UniMAP telah berjaya memberi impak yang besar dalam mengeratkan lagi hubungan dengan masyarakat di Negeri Perlis di samping membantu dalam membangunkan sosioekonomi masyarakat dengan projek inovasi yang telah dijalankan. Kejayaan pelaksanaan program ini juga turut memperlihatkan bahawa warga UniMAP sentiasa komited dalam usaha untuk menjadikan UniMAP sebagai pemangkin terhadap kemajuan Negeri Perlis melalui usaha yang berterusan untuk membentuk mahasiswa yang celik budaya, kenal bangsa dan berjiwa patriotik seterusnya akan dapat membentuk mahasiswa sebagai penjana minda progresif yang akan menjadi pembimbing utama dalam membentuk minda kelas pertama di kalangan masyarakat Negeri Perlis.

Bil. PPK	RANCANGAN INOVASI
1. BIOPROSES	1. Garbage Enzyme 2. Penghasilan tepung dari bahan buangan buah- buah
2. BAHAN	3. Penghasilan produk kraftangan meggunakan hasil sisa pertanian, teknik casting dan resin termoset 4. Tangki air domestic
3. PPIPT	5. Ceramah keusahawanan
4. MEKATRONIK	6. Papan tanda kampung 7. Pemasangan sistem PA
5. PEMBUATAN	8. Papantanda dari bahan-bahan kitar semula
6. ALAM SEKITAR	9. Mengajar cara buat konkrit bench – kerusi dan meja batu
7. SISTEM-E	10. Ceramah teknik pembajaan yang betul 11. Ceramah potensi perniagaan & keusahawanan
8. KOMPUTER & PERHUBUNGAN	12. Bangunan laman sesawang (web)/ facebook homestay JKKK Ujong Bukit
9. MIKRO-E	13. Papan Paparan maklumat elektronik di dewan serbaguna kg. Pintu gerbang di salah sebuah kampung.

